

93003Q



930032

NEW ZEALAND QUALIFICATIONS AUTHORITY  
MANA TOHU MĀTAURANGA O AOTEAROA

## Scholarship – Hiranga 2011 Te Reo Māori

9.30 am Thursday 17 November 2011

Time allowed: Three hours

Total marks: 24

### PUKA PĀTAI – QUESTION BOOKLET

E WHĀ ngā tūmahi kei tēnei puka. Mahia katoatia ngā tūmahi.

Tuhia ō whakautu ki te Puka Whakautu 93003A.

Tangohia mai te Puka Rauemi 93003R i waenganui i te puka nei.

Tirohia mēna kei te raupapa tika ngā whārangi 2–11 o tēnei puka, ā, kāore e noho wātea ētahi o ngā whārangi.

**HEI TE MUTUNGA O TĒNEI WHAKAMĀTAUTAU, PURITIA TE PUKAPUKA NEI.**

E toru hāora te roa o tēnei whakamātautau

## WĀHANGA TUATAHI: WHAKARONGO – KŌRERO

### NGĀ TOHUTOHU:

E RUA ngā tūmahi mō tēnei wāhanga:

TŪMAHI TUATAHI: WHAKARONGO: *Ko Te Reo Māori* – He tautohetohe.  
He mahi whakarongo ki tētahi tautohetohe me te tuhi i ngā whakaaro matua.  
(35 meneti).

TŪMAHI TUARUA: KŌRERO  
(a) He whakaputa kōrero whakarāpopoto i te tautohetohe (15 meneti).  
(e) He whakaputa kōrero whakamārama i ngā kīwaha (10 meneti).

### TŪMAHI TUATAHI: HE WHAKARONGO

*Ko Te Reo Māori* – He tautohetohe

#### NGĀ TOHUTOHU:

1. Whakarongo ki te tautohetohe a te tokorua nei e ai ki te kaupapa o *Ko Te Reo Māori*. Ko tā te tauira, he āta whakarongo ki ngā kaikōrero me ō rāua whakaaro e pā ana ki te kaupapa nei. Me āta whakarongo ki ngā whakapae me ngā whakautu, ā, me titiro hoki te tauira ki ngā taha e rua.
2. I a koe e whakarongo ana, whakarārangihia ngā whakaaro matua me ngā whakatau a ngā kaikōrero e rua (arā nga taha e rua o te tautohetohe).
3. Ko tāu mahi, he whakaae he whakahē rānei i ngā kōrero me te whakarite whakarāpopototanga hei tautoko i ōu whakaaro.
4. E toru ngā whakapāohotanga o te tautohetohe, ā, me āta whakarongo hoki ki ngā whakataukī, whakatauāki rānei.
5. Kia maumahara he tuhinga tere noa tēnei, ā, kaua e āwangawanga ki te āhua o tāu tuhituhi. Ko te mea nui ka hopukia, ka rārangihia e koe ngā kōrero matua hei tautoko i ōu whakaaro waihoki hei whakaoti tika i te Tūmahi Tuarua – Kōrero.

## Mahere whakaaro

I āta waiho te whārangi nei kia wātea.

## TŪMAHI TUARUA: KŌRERO

(a) He whakaputa kōrero whakarāpopoto mō te tautohetohe (10 meneti)

NGĀ TOHUTOHU:

- (i) Ko tāu mahi he whakarite kōrero whakaputa, e whakarāpopoto ana i ōu whakaaro (whakaae / whakahē) e ai ki te tautohetohe *Ko Te Reo Māori*.
- (ii) I a koe te 10 meneti ki te whakarite ā-tuhi nei tāu kōrero whakarāpopoto.
- (iii) Me rima meneti te roa o tāu kōrero whakarāpopoto.

(e) He whakaputa kōrero whakamārama whakataukī, whakatauākī rānei (5 meneti).

NGĀ TOHUTOHU:

- (iv) E rima ngā whakataukī, whakatauākī rānei i puta i roto i te tautohetohe:
  - Kaua e mate wheke, engari me mate ururoa.
  - Ka mate kāinga tahi, ka ora kāinga rua.
  - Kua pū te ruha, kua hao te rangatahi.
  - Ko wai ka hua, ko wai ka mōhio.
  - Kāore te kūmara e kōrero mō tōna reka.
- (v) Tikina kia rua ngā whakataukī, ā, whakamāramahia mai te tikanga o ēnei kōrero rongonui. Whakamahia hoki nga whakataukī e rua ki roto i tētahi rerenga kōrero.
- (vi) Me 2 meneti te roa o te whakamārama o ia o ngā whakataukī, whakatauākī rānei.

Nā reira, kia kaha mai ki te:

- whakapuaki whakaaro whānui
- whakaraupapa tika i ōu whakaaro
- whakatakoto tika, whakahua tika hoki i te kupu.

## KA WHAKAMAU I ĀU KŌRERO

Ka tae ki te wā ka whakamau nei i āu kōrero katoa, ā, ka haria koe e te kaiwhakahaere o te whakamātautau ki tētahi atu rūma, whakamau ai (10–15 meneti).

## WĀHANGA TUARUA: PĀNUI – TUHITUHI

E rima meneti ki a koe ki te pānui i ngā tohutohu o te WĀHANGA TUARUA me ōna whakaritenga katoa.  
E RUA ngā tūmahi mō tēnei wāhanga:

TŪMAHI TUATORU: PĀNUI – 45 meneti

- (a) Pānui aroā ngā rerenga kōrero 1–6. Kowhiria te rerenga kōrero tika.
- (e) Panuihia te tuhinga i te Puka Rauemi 93003R – *Ko Te Whare Whakamana: Te Whakaora i te Reo Māori – Te ora o te reo.*

TŪMAHI TUAWHĀ: TUHITUHI – 35 meneti

Kowhiria tētahi kaupapa hei tuhinga roa, ā, kaua e iti iho i te 350 kupu.

## TŪMAHI TUATORU: PĀNUI

### NGĀ TOHUTOHU:

(a) Tuatahi, pānuitia ngā rerenga kōrero 1–6 e whai iho nei. E toru ngā rerenga kōrero kei ia wāhanga. Hei tō Puka Whakautu 93003A, tuhia atu te kōrero tika. Tuhia anō hoki te nama o te pātai ki te taha o tō whakautu.

1. Kei hea koe e haere ana?  
Kei whea to haerenga?  
Kei te haere koe ki hea?
2. Kāore anō rātou kua tae mai  
Kāore anō rātou kia tae mai  
Kāore anō rātou ka tae mai
3. Māku e koe e awhi  
Mā māku koe e awhi  
Māku koe e awhi
4. He kai māu?  
He kai mōu?  
Pirangi kai koe?
5. Nā wai te wini e pakaru  
Nā wai te pakaru i te wini  
Nā wai te wini i pakaru
6. I kainga te āporo i te hoiho  
I kainga te āporo e te hoiho  
I te hoiho te āporo i kainga

### NGĀ TOHUTOHU:

(e) Tuarua, pānuihia te tuhinga kei tō Puka Rauemi 93003R, arā, *Ko Te Whare Whakamana: Te Whakaora i te Reo Māori – Te ora o te reo*. Whakarāpopoto ngā whakaaro matua hei tautoko i tō tuhinga roa.

Mahere whakaaro

## TŪMAHI TUAWHĀ: TUHINGA ROA

Hei tō tuhinga roa, ko tāu, he whakawhānui haere, he whakamōmona haere me te whakahāngai atu hoki i ō whakaaro ki TĒTAHI o ngā kaupapa e whai iho nei. Whakapuakina ōu ake whakaaro, whakanikohia te kōrero mā te whakamahi me te kīnaki haere ki ngā whakataukī, ki ngā kiwaha me ngā tūmomo hanga kōrero. Hei tō Puka Whakautu 93003A, tuhia atu tō tuhinga roa.

Tikina TĒTAHI kaupapa tuhi kōrero māu. Kaua e iti iho i te 350 kupu.

1. He mea ātaahua te pouaka whakaata ki te whakapāho take ki ngā iwi.
2. He nui ngā āhuatanga tuku karere i ngā wā o mua.
3. He kairīpoata koe mō Te Kāea, e whakataki ana koe i ētahi kōrero mō Te Matatini 2011, i tū rā i Te Tairāwhiti. Hei tauira, tirohia ngā kōrero kei tō Puka Rauemi.
4. I kauhauhia tēnei kōrero i ngā Manu Kōrero i Whangarei i te tau 1988; he moe tēnei nā tētahi tauira hei whakaatu, he taonga te pouaka whakaata ki te iwi. Ki ōu ake whakaaro, kua eke ngā mahi o te pouaka whakaata ki tā te kaikōrero i hiahia ai, arā, hei kaupapa tūhonohono i ngā iwi, ā, hei taonga whakaora anō hoki i te reo?
5. Nā te pouaka whakaata Māori i kaha ai tōku reo, nā te mea ...



**Hei whakariterite  
Kāore e aromatawaia**

**Hei whakariterite  
Kāore e aromatawaia**

**Hei whakariterite  
Kāore e aromatawaia**

